

金陵全書

金陵全書

甲編·方志類·縣志

康熙上元縣志（二）

（清）唐開陶 修纂

南京出版社

圖書在版編目 (CIP) 數據

康熙上元縣志 / (清) 唐開陶修纂, 一南京: 南京
出版社, 2010.12
(金陵全書)
ISBN 978-7-80718-671-7

I. ①康… II. ①唐… III. ①南京市—地方志—清代
IV. ①K295.31

中國版本圖書館CIP數據核字 (2010) 第225838號

書 名 【金陵全書】 (甲編·方志類·縣志)

康熙上元縣志

編 著 者 (清) 唐開陶 修纂

出版發行 南京出版社

社址: 南京市成賢街43號3號樓 郵編: 210018

網址: <http://www.njpbs.com>

聯系電話: 025-83283871 (營銷) 025-83283883 (編務)

電子信箱: njpbs1988@163.com

統 籌 杞 勇 樊立文

責任編輯 許小彥 朱天樂

裝幀設計 楊曉崗

責任印製 孫偉實

制 版 南京新華豐制版有限公司

印 刷 南京凱德印刷有限公司

經 銷 全國新華書店

開 本 889 × 1194毫米 1/16

印 張 119.75

版 次 2010年12月第1版

印 次 2010年12月第1次印刷

書 號 ISBN 978-7-80718-671-7

定 價 1800.00 元 (全三冊)

上元縣志卷十一

學校志

學校之制三代尙矣江寧自漢章武六年丹陽太守
李忠始建學嗣宋迄明隆殺匪一

國朝久道化成卽前應天府學爲上江兩縣學規爲大
脩教育垂七八十年記曰如欲化民成俗其必由學
謹稽往制并學宮所具列者繫之志學校

學宮

上元縣儒學在縣治東南東抵貢院西抵大功坊宋景
祐元年知府陳執中自浮橋東北徙置今所前二坊

一曰泮宮

朱文公筆

一曰天下文樞左右兩坊一曰崇正

道一曰育真才右坊內曰聚星亭亭內戟門次櫺星

門階陞上爲先師廟兩廡東西向各若干楹名宦鄉

賢二祠麗之廟左爲學大門三楹二門三楹堂曰明

德左啟聖祠右弘文祠今廢六齋東西向東曰時習

曰存誠曰進德西曰日新曰志道曰修業堂後曰敬

一亭今皆廢亭後曰尊經閣衡與堂埒而高倍之閣

後曰見龍岡堂西北曰青雲樓高與尊經閣埒稍南

下爲教諭訓導衙

明京學志云大規負乾面巽鍾山掖其左淮水南

青溪北會之合于淮清橋蜿蜒西流襟帶學宮其右
則文德武定二橋跨之長干浮圖卓立于前光明曜
璨亭亭雲表蓋宮牆殿闕常在山川物鬱中

紹興九年知府葉夢得重建江寧府學按西京例奏增
置教官一員作重修府學志

康熙四年知府劉珙重修建康府學

慶元元年知府張杓建閣以奉御書閣下爲議道堂稍
重釋奠禮儀儲典籍增旣廩

嘉熙二年知府別之傑增修學宇

淳熙六年知府趙以夫命名命教堂曰明德堂增造兩

上元縣志

卷十一

二

本頁原殘闕，現據南京圖書館藏《稀見中國地方志彙刊》（康熙六十年刻本影印本）補字。

廡以妥從祀

十知府吳淵列祠先賢增學餼創義莊

寶祐二年知府馬光祖興學校舉孝廉集周漢以來名賢贊而祠之

嘉定四年制置安撫留守姚希得委摠管曹臻重修

元大德二年改名集慶路學

四年學燬

五年行臺大夫徹里首與寮屬謀勸大姓出私錢規正
殿郡人王進德獨建講堂

七年總管陳元凱重構廊廡齋舍咸脩行臺御史

有記

至大二年重修孔廟廉訪使盧摯撰碑御史劉泰有修

祭器記

記曰夫先王之立禮也有本有文忠信禮之本也義理禮之文也本以立乎中而不敢懈

文以著乎外而不可闕所謂無本不立無文不行也矧器數制度莫不起於時之宜事之當而後有以成施於祭祀必盡已以實內外一或有一致方能感格斯五禮中尤為難者其本與文一或有闕致誠亦不至雖勉乎事不陷於如不祭者幾希是故擴忠信義理於齋莊恭敬拜起坐立儀不少愆者亦本之所以立也簠簋籩豆行立有數者亦文之所以行也故曰器有一之不備則禮有一之不行是以本既立矣文既行矣內外交盡不虛矣明則人物懷其仁幽則鬼神饗其德必至乎是則祀事孔明庶無悔矣建康為江南名郡又臺祭蒞焉廟貌巋然學校修整祀器燬於大德壬寅之火存者十不二三若弗補完是文不行於外而內雖有本安能獨立邪我元大興文治加封孔子報德報功禮隆丁祀有司奉行固不敢不致如在之

誠然而黍稷之馨弗實於簠簋水土之品弗登於籩豆雖日明德惟馨亦奚容指彼以明此哉噫噫器之未具也粢盛庶品一或不登無以表其明德今既器具矣庶品既登矣誠或不足於有事之際雖黍稷之馨神亦不享所謂誠爲實禮爲虛也有事於豆籩者可不敬乎

明洪武二年就舊府學地爲國學

十四年建國子監于鷄籠山之陽仍以國學爲府學置一堂四齋尋以上元江寧二縣學併入增二齋及訓導生員餼廩之數

永樂六年廟學災

宣德七年南京守備襄城伯李隆應天府府尹史怡重建大成殿明年落成少傅楊榮爲記

成化年廟復燬提學御史嚴銓重建卽尊經閣爲後堂
十八年應天府府尹魯崇德府丞白昂重建學士倪謙
爲上梁文

弘治三年府尹秦崇於河干增置石堤障秦淮水

正德七年府尹張淳九年尹白圻相繼重修鴻臚寺卿

王守仁爲記

記曰應天爲京兆其學蓋東南教本也
在國初以爲太學至洪武辛酉而始改

創再修於宣德之已酉自是而後浸以敝圯正德壬
申府尹張公宗厚始議新之未幾而遷中丞以去今
中丞白公輔之相繼爲尹乃克易朽輿頽大完其所
未備而又自以其俸餘增置石欄若干楹於櫺星門
之外於時府丞趙公時憲亦協心贊畫故數十年之
廢一旦修舉煥然改觀師模士氣亦皆鼓動興起與
廟學一心教授張雲龍訓導戴章陳義黃森何奎邢
越與闔學之士二百有若干人撰叙二公之績徵予

文爲記予既不獲辭則謂之日多師多士若知二公
修學之爲功矣亦知自修其學以成二公之功者乎
夫立之師儒區其齋廟昭其儀物具其廩庖是有國
者之立學也而非士之立學也緝其敝壞新其巧毀
給其匱乏警其惰弛是有司者之修學也而非士之
修學也士之學也以學爲聖賢聖賢之學心學也道
德以爲之地忠信以爲之基仁以爲之宅義以爲路禮
以爲門廉恥以爲垣六經以爲戶牖四子以爲階梯
求之於心而無假於財費也其事不亦易乎修之於
身而無假於雕飾也其工不亦簡乎措之於行而無
所不該也其用不亦大乎三代之學皆此矣我國家
雖以科目取士而立學之意亦寧與三代異學之弗
立有國者之萃藪弗修焉有司者之責也立矣修矣
而居於其地者弗立弗修是師之咎士之耻也二公
之修學既盡有司之職矣多師多士無亦相與自修
其學以遠於咎恥者乎無亦擴乃地厚乃基安乃宅
闢乃門戶固乃垣墻學成而用大之則以庇天下
之則以庇一省一郡下之亦以庇其鄉閭家族庶
無負於國家立學之意有司修學之心哉若乃曠
宅舍正路圯基頽垣倚聖賢之門戶以爲好是學

之爲萃蔽也則是朝廷立之而爲士者傾之有司
之爲士者毀之亦獨何心哉應天爲首善之地
後儒後先相望其文采之炳蔚才藝甲科之盛多乃
其所素餘有不肖於言者故吾因新學之舉嘉多師
多士欣然有維新之志而將進之以聖賢之學也於是乎書

嘉靖二年都御史陳鳳梧平學後高阜建尊經閣

十年制增敬一亭貯御書敬一箴序范浚心箴程頤視
聽言動四箴共六碑並增啓聖祠

十七年提學御史馮天馭府尹孫懋丞楊麒重修更大
成殿爲先師殿吏部尙書湛若水爲記

二十年府尹洪珠重修於門外治其階礧翼以欄楯視
昔加崇焉侍讀黃佐爲記

記曰金陵故吳國也自我
明受命增其式廓作爲天

丁鼎志

卷十一

三

府以統兩夏而偏其學宮之堂曰明德天下郡國學校靡得而同焉都人士之樂育者爭自雇磨以自異於凡民越倫駿茂後先輩出蓋莘莘如也其在周易乾之象曰君子以自強不息法天健也而繫以飛龍則君道存焉天府之名以之晉之象曰君子以自昭明德法日升也而象以錫馬則臣道存焉堂之名以之夫日之運於天土之仕於君其義一也先王設爲敦學以逮於今米廩以養之黌宮以居之詩書六藝以迪之藏修游息以節之旦夕則揖讓登降以示之禮朔望則瞻依拜跪以道之敬歲時則有釋菜賓射之事而肆之以進退俯仰之度感之以弦匏拊鼓之音動之以干旄羽籥之容所以觸其心知和其血氣繕其性情釋其邪以增其粹美使之入而事親從兄保宗睦族出而忠君親上展講揆物內而存省懲窒外而動作威儀無須臾而不學則其德也無須臾而不明矣於戲日運於上而與天會則成歲功士仕於君而承君休則成德業是役也匪爲美觀而已用大造爾士崇厥明德光輔聖天子以熙鴻號於無窮則諸公之志也藏儀修業者盍思所報乎

四十年府丞羅嘉賓重修太常寺少卿許穀爲記
萬曆三年府尹汪宗伊濬月河壘石甃听易戶部也
屏牆又拓豹衛地積土尊經閣後以復其舊吏部尙
書潘晟爲記

十四年太常寺少卿周繼攝府尹篆以堪輿家言謂廟
門坐乾向巽學門屬震二門皆受乾金之尅乃以坤
爻換象補泄之法修之于學之坎位起高閣曰青雲
樓高于尊經以泄乾之金氣而以坎水生震巽二木
以助二門之氣又于廟門前樹巨坊與學門之坊並
峙以益震巽之勢于離造星亭使震巽二木生火以

發文明之秀又以泮池河水不畜于下手造文德木橋以止水之流工成工部侍郎方九功爲記

十六年府尹張櫟丞周希旦先後重修更培閣後積土題曰見龍岡繼以巡撫至命撤學門內屏牆云當有聯魁天下者不十年舉焦竑朱之蕃顧起元三人衆皆神之

十八年府尹邵仲祿丞郭維賢重修大理寺卿陳文燭爲記

二十七年府尹熊維學丞張朝瑞重修撰焦竑爲記國朝順治六年以督臣馬國柱請改國子監爲江寧府

學舊府學爲上江兩縣學規模皆從府制設
導各一員其生員廩膳之資貢士計偕之費一如之

康熙四十六年青雲樓燬

五十四年布政司張聖佐重修尊經閣有記

記曰常考學校之設

無不視山川靈輒繆結之區非徒聖人之居抑以
所從出也江寧會城附郭邑者二邑雖分而學則
余承乏安藩駐節會城每經其地則見泮水泮泮
橋飛渡秦淮爲帶鍾阜爲屏極天下之雄觀矣第自
大令以上例謁府學邑廟則僅令邑者
謁之故無由觀其宮牆之盛乙未春
御纂朱子全書頒賜各省省各奉

聖治予任其役校讐者主于宮日往數還始知尊經閣

之頽廢已人嗟乎當此右文
聖世而有缺典得非大令以上例謁邑廟敗耶雖然
非缺也不知故也知之者獨兩邑令耳知之而力不

上元縣志

卷十一

七

給猶不知也余既已知之矣敢諉諸他人乎汲汲焉鳩工庇材不三月而告成但閣雖成而余猶有憾焉郡有學則有閣閣則悉名尊經曰尊經者訓士民言尊經耳行尊經耳而經無有也惟江寧昔為陪京經史之板畢貯焉豈意尊之者風雨漂搖竟來剝蝕之患耶史板剝蝕者尚可續經板則難為計矣是非合力而共成之不可至于愚氓偏處烟火相通乃斯地督賢有司之責余蓋不無厚望也夫

五十八年江蘇按察使李公馥重修文廟建青雲樓五

閱月功成踵舊增新益稱宏壯焉

記曰江以南凡百有八州縣而土元

江寧為之首

天子命大臣夾江建牙寔風教之所自始也

國初

王師始下其地我戈之暇講藝是先改舊國子監為府學而以應天府學並為兩縣學故規模禮容視他縣為閎備然府學自順治以來官茲土者繼有修葺而縣學歷今七十餘年宮牆堂室藏書習禮之所漸近於墮剝蝕春秋祀事師弟並不能為容夫禮大學始教皮并祭菜以祀先師先聖示敬道也今